

REGLUGERÐ

**um úthlutun og greiðslu fjárfamlags ársins 2009
til jöfnunar örorkubyrði lífeyrissjóða.**

1. gr.

Jöfnun örorkubyrði lífeyrissjóða.

Stuðla skal að því að mismunandi örorkubyrði lífeyrissjóða verði jöfnuð eins og nánar greinir í reglugerð þessari. Til að ná því markmiði skal ríkissjóður veita árlegu fjárframlagi til lífeyrissjóða samkvæmt ákvæðum VI. kafla laga nr. 113/1990, um tryggingagjald, með síðari breytingum.

Í samræmi við VI. kafla laga nr. 113/1990, skal fjárframlag ríkissjóðs til jöfnunar örorkubyrði lífeyrissjóða fyrir árið 2009 nema 0,25% af gjaldstofni tryggingagjalds skv. III. kafla laga nr. 113/1990. Framlagið skal byggjast á upplýsingum ríkisreiknings um áætlaðan gjaldstofn tryggingagjalds næstliðins árs.

Fjármálaráðuneytið annast úthlutun og greiðslu framlags til jöfnunar örorkubyrði lífeyrissjóða samkvæmt reglugerð þessari.

2. gr.

Skipting framlagsins milli lífeyrissjóða.

Framlagi til jöfnunar örorkubyrði lífeyrissjóða skal skipt milli lífeyrissjóða með eftirfarandi hætti:

1. Fundin er hlutdeild hvers lífeyrissjóðs í heildarörorkulífeyrisgreiðslum allra lífeyrissjóða á næstliðnu ári.
2. Fundin er hlutdeild hvers lífeyrissjóðs í skuldbindingum lífeyrissjóða til greiðslu örorkulífeyris umfram 10% af heildarlífeyrisskuldbindingum sjóðanna í framtíðinni vegna væntanlegra iðgjalda miðað við tryggingafræðilega stöðu lífeyrissjóða við lok næstliðins árs. Nú hefur lífeyrissjóður nýtt heimild samkvæmt lögum um skyldutryggingu lífeyrisréttinda og starfsemi lífeyrissjóða, nr. 129/1997, til þess að ákveða lágmark tryggingaverndar þannig að iðgjaldi sé varið að hluta til öflunar lífeyrisréttinda í séreign og skal þá verðmæti iðgjaldsgreiðslna vegna réttinda sem aflað er í séreign talið til skuldbindinga sjóðsins í framtíðinni þegar fundin er hlutdeild sjóðsins skv. 1. málsl.
3. Meðaltalshlutfall skv. 1. og 2. tölul. myndar hlutdeild hvers lífeyrissjóðs í framlagi til jöfnunar örorkubyrði lífeyrissjóða.

3. gr.

Úthlutun fjárfamlags árið 2009.

Samkvæmt ákvæði til bráðabirgða með lögum nr. 177/2006, um breytingu á lögum nr. 113/1990, um tryggingagjald, skal fjárframlag til jöfnunar örorkubyrði lífeyrissjóða fyrir árið 2009 eingöngu renna til lífeyrissjóða á samningssviði Samtaka atvinnulífsins og Alþýðusambands Íslands. Áætlaður gjaldstofn tryggingagjalds árið 2008 nemur samkvæmt ríkisreikningi 2008 samtals kr. 836.507.840.907 og er áætlað fjárframlag ársins 2009 til jöfnunar örorkubyrði lífeyrissjóða því með vísan til 1. gr. samtals kr. 2.091.269.602 og skiptist það milli lífeyrissjóða á samningssviði Samtaka atvinnulífsins og Alþýðusambands Íslands sem hér segir:

<i>Lífeyrissjóður</i>	<i>Fjárhæð kr.</i>	<i>Hlutfall</i>
Eftirlaunasjóður Sláturfélags Suðurlands	941.071	0,045%
Festa lífeyrissjóður	243.423.782	11,640%
Gildi lífeyrissjóður	926.014.180	44,280%
Kjölur lífeyrissjóður	6.796.626	0,325%
Lífeyrissjóður Rangæinga	12.861.308	0,615%
Lífeyrissjóður verslunarmanna	289.954.530	13,865%
Lífeyrissjóður Vestfirðinga	60.855.945	2,910%

Nr. 1068

23. desember 2009

Lífeyrissjóður Vestmannaeyja	70.371.222	3,365%
Sameinaði lífeyrissjóðurinn	123.489.470	5,905%
Stafir lífeyrissjóður	75.285.706	3,600%
Stapi lífeyrissjóður	281.275.761	13,450%
Samtals	2.091.269.602	100,000%

Við greiðslu fjárfamlags ársins 2010, í október 2010, skal endurreikna, og leiðréttta ef þörf er á, fjárfamlag ársins 2009 á grundvelli endurskoðaðra upplýsinga um gjaldstofn tryggingagjalds ársins 2008.

4. gr.

Leiðréttting fjárfamlags ársins 2008.

Endurskoðaður gjaldstofn tryggingagjalds vegna ársins 2007 er kr. 773.708.977.999. Mismunur áætlaðs gjaldstofns tryggingagjalds ársins 2007 skv. 3. gr. reglugerðar nr. 1007/2008, um úthlutun og greiðslu fjárfamlags ársins 2008 til jöfnunar örorkubyrði lífeyrissjóða og endurskoðaðs gjaldstofns tryggingagjalds vegna ársins 2007 er kr. 47.723.515.525 til hækkanar. Fjárfamlag ríkissjóðs til jöfnunar örorkubyrði lífeyrissjóða fyrir árið 2008 nam 0,20% af gjaldstofni tryggingagjalds, sbr. lög nr. 177/2006, um breyting á lögum nr. 113/1990, um tryggingagjald. Leiðréttting fjárfamlags ársins 2008, frá því sem það var ákvarðað með reglugerð nr. 1007/2008, nemur því samtals kr. 95.447.031 og skiptist það milli lífeyrissjóða á samningssviði Samtaka atvinnulífsins og Alþýðusambands Íslands sem hér segir:

<i>Lífeyrissjóður</i>	<i>Fjárhæð kr.</i>	<i>Hlutfall</i>
Eftirlaunasjóður Sláturfélags Suðurlands	38.179	0,040%
Festa lífeyrissjóður	10.546.897	11,050%
Gildi lífeyrissjóður	39.305.087	41,180%
Stapi lífeyrissjóður	13.577.340	14,225%
Lífeyrissjóður Rangæinga	529.731	0,555%
Kjölur lífeyrissjóður	276.796	0,290%
Lífeyrissjóður verslunarmanna	16.483.702	17,270%
Lífeyrissjóður Vestfirðinga	2.725.013	2,855%
Lífeyrissjóður Vestmannaeyja	2.915.907	3,055%
Sameinaði lífeyrissjóðurinn	5.454.798	5,715%
Stafir lífeyrissjóður	3.593.581	3,765%
Samtals	95.447.031	100,00%

5. gr.

Reglugerð þessi er sett með stoð í 22. gr. laga nr. 113/1990, um tryggingagjald, með síðari breytingum, og öðlast þegar gildi.

Fjármálaráðuneytinu, 23. desember 2009.

F. h. r.

Hafdís Ólafsdóttir.

Haraldur Steinþórsson.